

## **ORDENANZA FISCAL Nº 10 REGULADORA DA TAXA POR PRESTACIÓN DE SERVIZOS DE SANIDADE PREVENTIVA, RELACIONADOS CON ANIMAIS DE COMPAÑÍA E OUTROS SERVIZOS DE PREVENCIÓN.**

### **ARTIGO 1. FUNDAMENTO E NATUREZA.**

En uso das facultades concedidas polos artigos 133.2 e 142 da Constitución e polo art. 106 da Lei 7/85, do 2 de abril, reguladora das bases do réxime local e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, o Concello da Coruña establece a Taxa por prestación de servizos de sanidade preventiva, a que se refire o artigo 20.4 m) do propio real decreto lexislativo, cuxas normas atenden ao previsto no art. 57 do citado real decreto lexislativo.

### **ARTIGO 2. FEITO IMPOÑIBLE E OBRIGA DE CONTRIBUÍR.**

1. Constitúe o feito impoñible a utilización dos servizos de prevención sanitaria relacionados con animais de compañía así como outros servizos de prevención sanitaria:

- Recollida, transporte e incineración de animais de compañía.
- Tratamento sanitario para a adopción de animais de compañía.
- Manutención e custodia de animais de compañía na canceira municipal.
- Instalación de sanitarios portátiles para actos públicos.
- Licenza para a posesión e condución de cans potencialmente perigosos.
- Servizos de control de rúidos
- Inspección e/ou toma de mostras en terreos ou solares de propiedade privada, establecementos comerciais, inmobles ou vivendas, con motivo de denuncias por presuntas infraccións do previsto na Ordenanza de Xestión de Residuos Municipais e Limpeza Viaria e outras normal ambientais ou sanitarias.
- Inspección por denuncias de molestias producidas por animais de compañía en vivendas, establecementos de compra-venta de animais ou vía pública.
- Inspección con motivo de denuncias de molestias producidas por ratas e pragas en xeral, cando as molestias proveñan de inmobles de propiedade particular.

2. A obriga de contribuír nacerá cando se inicie a prestación dos servizos sometidos a gravame, e entenderase, para tales efectos, que se inicia a prestación cando se solicita esta ou se ocasiona a súa prestación.

### **ARTIGO 3. OBRIGADO TRIBUTARIO.**

1. Son obrigados tributarios en concepto de contribuíntes os solicitantes da licenza, autorización ou da prestación do servizo; os solicitantes da prestación do servizo nos casos de denuncia, cando esta sexa inustificada ou con carencia evidente de fundamento; as persoas naturais ou xurídicas propietaria dos terreos, inmobles ou vivendas sobre os que recaia a inspección, no caso de que exista infracción segundo informe técnico; os propietarios ou posuidores de animais de compañía causantes das molestias comprobadas polo Servizo de Inspección.

2. Serán responsables solidarios da débeda tributaria as persoas ou entidades a que se refire o artigo 42 da Lei xeral tributaria.

3. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o art. 43 da Lei xeral tributaria.

### **ARTIGO 4. BENEFICIOS FISCAIS.**

Só serán de aplicación aqueles beneficios fiscais que estean recoñecidos en norma con rango de lei ou en tratados internacionais validamente realizados.

### **ARTIGO 5. BASE IMPOÑIBLE.**

A débeda tributaria determinarase polo sistema de cota fixa, atendendo á diferente natureza dos servizos, de acordo coa clasificación realizada no artigo seguinte.

### **ARTIGO 6. TARIFA XERAL.**

1	Servizos de prevención sanitaria relacionados con animais de compañía	EUROS
1.1	Incineración colectiva de animais, por animal	24,22 €
1.2	Incineración individual de animais, por animal	
1.2.1	Ata 25 kg. de peso	88,22 €
1.2.2	Mais de 25 kg. de peso	114,06 €
1.3	Transporte, por animal	22,81 €
1.4	Recollida de animais en vía pública	30,95 €
1.5	Entrega de animais por particular inclúe recollida , transporte , se é o ccaseo incineración	53,59 €
1.6	Entrega de camadas (por animal)	28,52 €
1.7	Implantación de microchip	39,83 €
1.8	Vacina	18,30 €
1.9	Tramitación cambio de propietario	18,30 €
1.10	Estancia, manutención e custodiade animais de compañía a canceira municipal por día ou fracción	4,31 €
2	Animais potencialmente perigosos	
2.1	Licenza para a tenencia e condución aanimais otencialmente perigosos (concesión e renovación)	38,41 €
2.2	Expedición de duplicado de tarxetas acreditativas da xistencia de licenza e/ou inscrición no Rexistro de Animais	6,18 €

#### ARTIGO 7. NORMAS DE XESTIÓN.

a) As cotas correspondentes a actuacións realizadas por petición dos interesados, liquidaranse e faranse efectivas nas oficinas municipais.

b) Ao abeiro do establecido no art. 26 do Real decreto legislativo 2/2004, do 5 de marzo, esixirase o depósito previo dos dereitos polos servizos regulados nesta ordenanza, cando estean suxeitos a autorización con anterioridade á súa prestación. Nestes casos poderá establecerse a obriga de autoliquidar o importe e ingresar simultaneamente a cantidade resultante. As devolucións que procedan por falta de prestación do servizo debido a causa non imputable ao obrigado ao pagamento, tramitaranse polo procedemento que rexe o reintegro de pagos indebidos. Prestado o servizo, a cantidade ingresada en concepto de depósito aplicarase ao importe definitivo da taxa, e esixirase, se é o caso, a maior contía que resulte. O documento expedido servirá como notificación da liquidación efectuada para todos os efectos.

c) En caso de servizos xestionados por concesión administrativa ou outras modalidades de xestión indirecta, o contrato ou convenio poderá facultar o concesionario para a xestión e recadación da taxa nos termos e coas condicións sinaladas no prego e demais normativa contractual.

d) Para os servizos regulados nos puntos 5.2 e 6 do artigo 6, o persoal do Servizo de Inspección ambiental comunicará á Unidade Administrativa do Servizo de Medio Ambiente a realización da correspondente visita, cos datos necesarios para poder realizar a liquidación e coa indicación de se a denuncia, no seu caso, considérase temeraria ou infundada. A liquidación das taxas que deba satisfacerse se levará a cabo unha vez prestado o servizo.

#### ARTIGO 8. INFRACCIÓNS E SANCIÓN S TRIBUTARIAS.

En materia de cualificación das infraccións e de sanción delas, estarase ao disposto nos artigos 178 e seguintes da Lei xeral tributaria e na Ordenanza xeral de xestión.

#### DISPOSICIÓN FINAL.

A presente ordenanza consta de oito artigos e foi aprobada polo Pleno na sesión realizada o 28 de decembro, entrará en vigor o día 1 de xaneiro do 2024 e será de aplicación mentres non se acorde a súa modificación ou derogación.